



REPUBLIKA E SHQIPËRISË
DHOMA KOMBËTARE E NOTERISË
DEGA VENDORE TIRANË

NOTER ELONA L. SALIAJ
ADRESA Blv. "Bajram Curri", pallatet
"1 Maj", shkalla nr. 9, kati parë
TEL: 692816131

**KRIJIMI I SHOQATAVE OSE AKTI I
THEMELIMIT**
(AKT THEMELIMI I QENDRES)

Nr. repertori: 448

Nr. koleksioni: 192

Tirane më 16/05/2024

Ligjet referuese:

- 1.Ligji nr. 7850, datë 29/07/1994 "Kodi Civil i Republikës së Shqipërisë", i ndryshuar
- 2.Ligji nr. 9887, date 10/03/2008 "Për mbrojtjen e të dhënave personale", i ndryshuar
- 3.Ligji nr. 110, datë 20/12/2018 "Për Noterinë", i ndryshuar

*Akti noterial përbëhet nga 5 fletë



A2024051780021016557



A2024051780021016557

**AKT THEMELIMI
I QENDRËS
“BARAZI DHE PËRFSHIRJE”**

Sot, më datë 16 Maj 2024 (dymijë e njëzet e katër), ditë e Enjte, para meje Notere Elona L. SALIAJ, anëtare në Dhomën Kombëtare të Noterisë, Dega Vendore Tiranë, me zyrë në adresën Tirane, Blv. "Bajram Curri", pallatet "1 Maj", shkalla nr. 9, kati parë, u paraqitën personalisht:

THEMELUESE

Znj. Nadia ÇOBO, atësia Kujtim, amësia Miranda, me shtetësi shqiptare, lindur në Berat dhe banuese në Berat, me adresë Muzhakaj 00010335; Nd. 14; H. 1; 5001; e datëlindjes 06.03.1997, madhore, me zotësi të plotë juridike për të vepruar, për identitetin e të cilës u garantova me letërnjoftim ID nr. 039256092 dhe nr. personal J75306050I, e cila me vullnet të lirë e të plotë, në cilësinë e themelueses, bazuar në Kushtetutën e RSH, dispozitat e Kodit Civil të RSH, Ligjit nr. 8788, datë 07.05.2001 “Për Organizatat Jofitimprurëse” i ndryshuar dhe Ligjit nr. 8789 datë 07.05.2001 “Për Regjistrimin e Organizatave Jofitimprurëse” i ndryshuar, **më kërkoi redaktimin e këtij akti themelimi të Qendrës me emrin “BARAZI DHE PËRFSHIRJE”, sipas parashikimeve si më poshtë:**

Neni 1

Forma e organizimit dhe vizioni

Sipas mënyrës së organizimit kjo Organizatë Jofitimprurëse është një e tillë pa anëtarësi, vendase, e llojit Qendër, e themeluar sipas dispozitave të Kodit Civil të RSH, Ligjit nr. 8788, datë 07.05.2001 “Për Organizatat Jofitimprurëse”, i ndryshuar dhe Ligjit nr. 8789 datë 07.05.2001 “Për Regjistrimin e Organizatave Jofitimprurëse” i ndryshuar. Ajo është themeluar me vullnetin e lirë e të plotë të themelueses së saj dhe do të zhvillojë veprimtarinë në të mirë dhe interes të publikut.

Qendra është një organizatë jofitimprurëse, e pavarur nga partitë politike dhe organet shtetërore.

Qendra “Barazi dhe Përfshirje” synon të kontribuojë për një shoqëri gjithëpërfshirëse dhe të barabartë ku grupet e marginalizuara gëzojnë efektivisht të drejtat e njeriut dhe ku çdo individ, në mënyrë të veçantë gratë dhe vajzat kanë mundësinë të arrijnë potencialin e tyre të plotë dhe pa diskriminim.

Neni 2

Emri, sigla dhe simboli i veçantë

Emri i Qendrës është “Barazi dhe Përfshirje” dhe në anglisht Center for Equality and Inclusion.

Qendra do të ketë siglën dhe simbolin e saj të veçantë e cila do të identifikojë çdo dokument që i përket asaj si dhe në çdo korrespondencë që ajo do të ketë me të tretët.

Sigla dhe simboli i veçantë përmban tre ilustrime të individëve nga grupe të ndryshme të marginalizuara, ilustruar në ngjyrat lejla dhe blu, në fushë të bardhë. Ata janë vendosur pranë njëri-tjetrit duke krijuar një ide të bashkëpunimit, solidaritetit dhe mbështetjes, për të garantuar të drejtat e njeriut të çdo individ. Kombinimi i ngjyrës lejla dhe blu, në fushë të bardhë simbolizon harmoninë, paqen dhe një shoqëri që punon për respektimin e të drejtave të njeriut. E paraqitur me grafikën si më poshtë:



QENDRA PËR BARAZI & PËRFSHIRJE
CENTER FOR EQUALITY AND INCLUSION



A2024051780021016557

Qendra do të ketë vulën e saj, e cila do të ketë formë drejtkëndëshe dhe do të përbëhet nga simboli dhe emri i Qendrës në shqip dhe në anglisht, e paraqitur grafikisht si më poshtë:



Neni 3

Personaliteti juridik

Qendra fiton personalitetin juridik pasi të jetë regjistruar në Gjykatën e Shkallës së Parë të Juridiksionit të Përgjithshëm Tiranë, në përputhje me kushtet dhe procedurat e parashikuara në Ligjin nr. 8788, datë 07.05.2001 “Për Organizatat Jofitimprurëse” dhe Ligjit nr. 8789 datë 07.05.2001 “Për Regjistrimin e Organizatave Jofitimprurëse” i ndryshuar.

Qendra, pasi të ketë fituar personalitetin juridik, është përgjegjëse ndaj të tretëve për detyrimet dhe dëmet e shkaktuara gjatë veprimtarisë së saj.

Personaliteti juridik i Qendrës mbaron në ditën kur vendimi i Gjykatës për çregjistrimin e saj merr formë të prerë.

Neni 4

Themelues

Themeluese e Qendrës është:

Nadia Çobo, e dtl. 06.03.1997, lindur në Berat dhe banuese në dhe banuese në Berat, me adresë Muzhakaj 00010335; Nd. 14; H. 1; 5001, shtetase shqiptare, mbajtëse e letërnjoftimit (ID) numër personal J753060501.

Neni 5

Selia

Qendra e ka selinë në adresën Rruga “Bulevardi Zogu i Parë”, Nd. nr. 55/1, Ap.14, Tiranë, Shqipëri.

Me vendim të Bordit të Drejtorëve, Qendra mund të hapë degë të tij dhe të emërojë përfaqësues edhe në qytete të tjera të Shqipërisë dhe jashtë vendit.

Neni 6

Qëllimi

Qëllimi i Qendrës është:

Mbështetja, ndihma, edukimi ligjor, fuqizimi i qytetarëve, në mënyrë të veçantë qytetarëve nga grupet e margjinalizuara dhe grave e vajzave nga këto grupe, me qëllim që të rritet aksesimi i tyre në institucionet publike dhe në sistem, në mënyrë të veçantë, në sistemin e drejtësisë, forcimit të kapaciteteve të profesionistëve, analizave, publikimeve, lobimit, advokacisë, fushatave informuese e ndërgjegjësuere, rrjetëzimit, etj., duke siguruar që të drejtat e tyre janë respektuar dhe barazia dhe mos diskriminimi është siguruar, përmes:



A2024051780021016557

- Njohjes së standardeve ndërkombëtare mbi të drejtat e njeriut për qytetarët, me përparësi grupet e margjinalizuara, barazinë, barazinë gjinore dhe mos diskriminimin;
- Informimit, Edukimit dhe edukimit ligjor me qëllim njohjen dhe ushtrimin e të drejtave dhe mjeteve ligjore nga qytetarët, në mënyrë të veçantë qytetarëve dhe grave nga grupet e margjinalizuara;
- Ndihmës juridike falas për qytetarët;
- Mbështetjes dhe fuqizimit në përdorimin e teknologjisë, me qëllim gëzimin e të drejtave dhe aksesimin e sistemit, përfshirë sistemin e drejtësisë;
- Fushatave të edukimit dhe ndërgjegjësimit për të drejtat e njeriut dhe si ti ushtrojnë ato në të gjitha fushat në mënyrë të veçantë në arsim, punësim, shëndet, pjesëmarrje në vendimmarrje dhe jetën politike, të drejtat pronësore, parandalimin dhe luftimin e dhunës me bazë gjinore dhe dhunës në familje, barazinë gjinore, aksesin në ujë të pijshëm, energji, kontributin për paqe dhe një shoqëri pa konflikte dhe mosmarrëveshje, klimën, energjinë, luftimin e varfërisë, dhe mos diskriminimin në të gjitha fushat;
- Monitorimeve të efektivitetit të sistemit, me fokus në vlerësimin e gëzimit de fakto të të drejtave nga qytetarët;
- Ndërmarrjes së nismave për përmirësimin e legjislacionit në fushën e të drejtave të njeriut, barazisë, barazisë gjinore dhe mos diskriminimit;
- Advokimit në nivel qendror dhe vendor me qëllim që prioritetet e grupeve të margjinalizuara, në mënyrë të veçantë grave nga këto grupe, të jenë pjesë e politikave, planeve të veprimit dhe buxheteve të përgjegjshme përfshirëse dhe gjinore, në nivel qendror dhe vendor;
- Forcimit të kapaciteteve të profesionistëve të sistemit, në nivel qendror dhe në njësitë e vetëqeverisjes vendore, në zbatim të kuadrit ligjor dhe të drejtave të grupeve të margjinalizuara, në mënyrë të veçantë grave nga këto grupe;
- Përgatitjes së raporteve, analizave, studimeve, përfshirë raportet për mekanizmat ndërkombëtare të konventave për të drejtat e njeriut dhe mos diskriminimin;
- Rrjetëzimit me organizata që punojnë në të njëjtën fushë në nivel kombëtar, rajonal dhe ndërkombëtar;

Target grupet e shoqërisë në fokus të veprimtarisë së organizatës janë:

- Qytetarët;
- Komuniteti rom dhe egjiptian, në mënyrë të veçantë gratë dhe vajzat nga ky komunitet;
- Persona me aftësi të kufizuara, në mënyrë të veçantë gratë dhe vajzat;
- Qytetarë që përballen me diskriminim, në mënyrë të veçantë gratë dhe vajzat;
- Komuniteti LGBTIQ+
- Gratë dhe vajzat rurale, nëna të vetme, gra të divorcuara;
- Gratë dhe vajzat që përballen me forma të ndryshme të dhunës me bazë gjinore dhe dhunë në familje;
- Gra dhe vajza që përballen me diskriminim gjinor dhe të shumëfishtë;
- Persona me probleme të shëndetit mendor, në mënyrë të veçantë gratë dhe vajzat;
- Persona me aftësi ndryshe, në mënyrë të veçantë gratë dhe vajzat.
- Personat që kanë dalë nga vuajtja e dënimit, në mënyrë të veçantë gratë dhe vajzat;
- Personat refugjatë, azilkerkues, pa dokumente, migrantë, në mënyrë të veçantë gratë dhe vajzat.

Neni 7

Kohëzgjatja

Qendra krijohet për të ushtruar veprimtarinë e saj pa afat. Kohëzgjatja mund të kufizohet me vendim të Bordit Drejtues. Përfundimi i veprimtarisë së Qendrës bëhet me vendim të Bordit Drejtues ose me vendim të Gjykatës së Shkallës së Parë të Juridiksionit të Përgjithshëm Tiranë, sipas kushteve të parashikuara në nenin 44 të Ligjit nr. 8788 datë 07.05.2001 "Për Organizatat Jofitimprurëse". Personaliteti juridik i Qendrës mbaron në ditën kur vendimi i Gjykatës për çregjistrimin e saj, ka marrë formë të prerë.



A2024051780021016557

Neni 8

Organet vendimmarrëse dhe drejtuese

Organet vendimmarrëse dhe drejtuese të Qendrës janë:

- Bordi Drejtues - organ vendimmarrës;
- Drejtori Ekzekutiv - organ drejtues;

të cilat ushtrojnë kompetencat e tyre sipas dispozitave të parashikuara në statut.

Drejtori Ekzekutiv është përfaqësuesi ligjor i Qendrës në marrëdhënie me të tretët, drejton veprimtarinë e përditshme të saj, dhe ekzekuton programet e aprovuara nga Bordi Drejtues.

Drejtoresha Ekzekutive e Qendrës është znj. Nadia ÇOBO, e dtl. 06.03.1997, lindur në Berat, shtetase shqiptare, mbajtëse e letërnjoftimit (ID) numër personal J75306050I, e cila do të ushtrojë detyrat sipas statutit dhe Ligjit nr. 8788 datë 07.05.2001 “Për Organizatat Jofitimprurëse”.

Neni 9

Burimet e të ardhurave dhe përdorimi i tyre

Veprimtaria e Qendrës dhe qëllimi i saj do të përmbushen vetëm me fonde dhe të ardhura të siguruara nga burime të njohura nga ligji, të cilat do të përdoren në mënyrë të ligjshme për përmbushjen e qëllimit të saj.

Të ardhurat e Qendrës do të sigurohen nga:

- Kontributi fillestar i themelueses, i përbërë në momentin e krijimit të saj nga një shumë prej 100'000 (njëqind mijë) lekë, shumë e cila do të kalojë në pronësi ekskluzive të Qendrës nga momenti i regjistrimit të saj në Gjykatë. Themeluesja zhvishet nga e drejta e pronësisë së kësaj shume në momentin e përcaktuar më lart;
- Donacione;
- të ardhura dhe financime të ligjshme nga donatorë vendas dhe të huaj;
- dhurata, ndihma, grante, kontribute dhe sponsorizime nga persona fizike dhe juridike, vendas dhe të huaj të dhëna pa kushtëzime dhe që nuk bien ndesh me kushtet e këtij statuti dhe ligjet në fuqi;
- programet e financuara nga organizma ndërkombëtare, organizma dhe institucione e fondacione kombëtare e të huaja, borde lokale, rajonale, kombëtare e ndërkombëtare, zhvillimi i leksioneve, ekspozitave etj.;
- burime të tjera financimi, shprehimisht të lejuara prej ligjeve të Republikës së Shqipërisë.
- Qendra do të ketë në pronësi pasuri të luajtshme dhe të paluajtshme dhe ka të drejtë të realizojë të ardhura nëpërmjet administrimit të këtyre pasurive, si dhe të ushtrimit të veprimtarive të tjera në përputhje me ligjin dhe qëllimin e objektin e veprimtarisë të parashikuar në statutin të saj.

Të ardhurat e siguruara nga Qendra, do të përdoren për kryerjen e shpenzimeve që lidhen vetëm me realizimin e qëllimit dhe objektit të veprimtarisë, për të cilin ajo është krijuar, si dhe për drejtimin e mirëmbajtjen e pasurisë së saj.

Neni 10

Ndalimi i shpërndarjes së fondeve

Qendra ka vetëm dhe drejtpërdrejt qëllime jo-fitimprurëse.

Sipas Ligjit nuk lejohet asnjë formë e shpërndarjes së fitimit ose e përfitimit financiar dhe material nga të ardhurat dhe fitimet e organizatës jofitimprurëse prej personave që janë subjekte të statutit ose aktit themelues, përveç detyrimeve në formën e pagave, rrogave, pagesave, shpërblimeve e kompensimeve që rrjedhin nga kontrata e punës ose kontrata të tjera të ngjashme me të ose për mbulimin e shpenzimeve të kryera me porosi dhe për llogari të organizatës jofitimprurëse. Çdo veprim i kundërt është plotësisht i pavlefshëm dhe organet përgjegjëse mbajnë përgjegjësi sipas ligjit.



A2024051780021016557

Neni 11

Organizimi dhe administrimi

Organizimi dhe administrimi i Qendrës do të kryhet në bazë të dispozitave të përcaktuara në statutin e Qendrës.

Neni 12


Dispozita e fundit

Sipas Ligjit 8788 datë 07.05.2001 “Për Organizatat Jofitimprurëse”, themeluesja **Nadia ÇOBO**, do të hartojë kërkesën drejtuar Gjykatës së Shkallës së Parë të Juridiksionit të Përgjithshëm Tiranë për regjistrimin si person juridik të Qendrës “Barazi dhe Përfshirje” dhe ndjekjen e procedurave ligjore për këtë qëllim.

Ky akt themelimi u hartua në gjuhën shqipe dhe u lexua nga unë Noterja me zë të lartë dhe në mënyrë të qartë në prani të themelueses **Nadia ÇOBO**. Pasi ajo deklaroi se u njohën dhe i kuptoi efektet e saj juridike, e nënshkruan atë rregullisht përpara meje Noteres. , në gjuhën shqipe, në katër kopje me vlera të njëjta juridike dhe pas leximit, kuptimit dhe gjetjes në rregull sipas vullnetit të tyre të këtij akti, nënshkruhet me vullnet të plotë pa vërejtje nga themeluesja e Qendrës dhe unë noterja vërtetoj bazueshmërinë në ligj të këtij akti dhe e vërtetoj atë sipas ligjit.

Ky akt themelimi, u hartua nga unë Noterja në 4 (katër) kopje, me vlera të njëjta juridike; mbështetur në shprehjen e lirë e të plotë të vullnetit të themelueses. Njëra kopje së bashku me pullën e taksës 200 lekë, vendoset në arkivën noteriale dhe të tjerat i vihen në dispozicion themelueses. Unë Noterja, verifikova identitetin e themelueses nëpërmjet dokumenteve të identitetit, cituar më sipër dhe pasi e gjeta përmbajtjen e aktit noterial të mësipërm, në përputhje të plotë me nenin 62, 63 të ligjit nr. 110/2018 “Për Noterinë”, i ndryshuar, vërtetoj nënshkrimin e saj. Në zbatim të ligjit 9887, datë 10.03.2008 “Për mbrojtjen e të dhënave Personale”, i ndryshuar, unë Noterja deklaroj se do të ruaj dhe përpunoj të dhënat personale të subjektit të kësaj deklarate, në mënyrë të drejtë dhe të ligjshme.

THEMELUESE


Nadia ÇOBO



